



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU **HRVATSKA SELJAČKA STRANKA BiH**

Broj: 09-07-6- 1153/07  
Sarajevo, 03.04. 2008. godine

## **SADRŽAJ :**

MIŠLJENJE REVIZORA	3
1.UVOD	4
2.PREDSTAVLJANJE POLITIČKE STRANKE	4
3.OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije	5
Obim kancelarijske revizije	5
4.PREDHODNE REVIZIJE	5
5.NALAZI KANCELARIJSKE REVIZIJE I PREPORUKE	
5	
5.1. NALAZI	5
5.2. PREPORUKE	7
KOMENTAR	7

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Hrvatska seljačka stranka BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Hrvatska seljačka stranka BiH prekršila odredbe člana 5. stav 1 i odredbe člana 11. stav 3. Zakona o finansiranju političkih stranaka.**

**Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Hrvatske seljačke stranke BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska seljačka stranka BiH je iskazala prihode u iznosu od 168.398,78 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	3.110	185%
2	Prilozi fizičkih lica	4.334	257%
3	Prilozi pravnih lica	16.747	994%
4	Prihodi od imovine	3234	2%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	144.175	8562%
	<b>Ukupni prihodi:</b>	<b>168.399</b>	<b>10000%</b>

U godišnjem finansijskom izvještaju Hrvatska seljačka stranka BiH je iskazala ukupne rashode u iznosu od 201.248,98 KM.

## 2. PREDSTAVLJANJE POLITIČKE STRANKE

Naziv političke stranke: Hrvatska seljačka stranka Bosne i Hercegovine. Skraćeni naziv stranke je: HSS BiH.

HSS BiH je registrovana 10.05.1993.godine, kod Višeg suda u Sarajevu-Kantonalni sud Sarajevo, pod brojem :R-I-2/93.

Sjedište političke partije je u Sarajevu, ulica Radićeva 4.

Za zastupanje stranke ovlašteni su prof.dr.Marko Tadić, predsjednik, i Neda Pozderac, glavna tajnica.

Lice ovlašteno za podnošenje finansijskih izvještaja je Muradeta Hamzić.

Organizacionu strukturu HSS BiH čine:

- Glavni ured Sarajevo,
- Brčko Distrikt BiH,
- Županija Posavska Orašje,
- HSS Livno,
- HSS Ilijaš.
- HSS Kupres,
- HSS Kiseljak i
- HSS Vareš.

## 3. OPIS PREGLEDA I KANCELARIJSKE REVIZIJE

**Predmet kancelarijske revizije je** godišnji finansijski izvještaj Hrvatske seljačke stranke BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

**Cilj kancelarijske revizije je** da revizor na bazi finansijskog izvještaja pokuša da ustanovi da li je Hrvatska seljačka stranka BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

**Obim kancelarijske revizije** finansijskih izvještaja Hrvatske seljačke stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

## 4. PRETHODNE REVIZIJE

Izvršen je pregled godišnjeg finansijskog izvještaja HSS BiH za 2005. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav 3. Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

## 5. NALAZI KANCELARIJSKE REVIZIJE I PREPORUKE

### 5.1. NALAZI

- a) **Na osnovu obavljene kancelarijske revizije godišnjeg finansijskog izvještaja utvrđeno je da je HSS BiH prekršila odredbe člana 5. stav 1. Zakona o finansiranju političkih stranaka.<sup>1</sup>**

Na obrascu 3-b , prilozi pravnih lica evidentirane su dvije uplate firme „Bjelić-Gradnja“ Brčko u ukupnom iznosu od 7.000,00 KM, čime je prekoračen limit priloga za iznos od 2.312,00 KM.

- b) **Stranka je prekršila odredbe člana 11. stav 3. Zakona o finansiranju političkih stranaka.<sup>2</sup>**

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH” broj 61/06).

- Na obrascu 2 nije prikazan transakcioni račun br.1701002000490287 Fonda „Stjepan Radić“ otvoren kod LT Gospodarske banke, centrala Sarajevo, sa stanjem na dan 29.12.2006.godine u iznosu od 5.565,53 KM.<sup>3</sup>
- Na obrascu 3-b, prilozi pravnih lica nisu upisani identifikacioni brojevi pravnog lica-donatora.
- Na Obrascu 4, ukupni rashodi političke stranke podaci iskazani na pojedinačnom obrascu režijsko-administrativnih troškova ne odgovara podatku ukupnih rashoda za 15.000,00 KM.<sup>4</sup>
- U postizbornom finansijskom izvještaju, obrazac 4-2 u dijelu ostalih promidžbenih troškova za HSS BiH Sarajevo iskazan je iznos: 22.436,43 KM. U godišnjem finansijskom izvještaju iskazan je iznos: 12.956,70 KM, čime je utvrđena razlika u iznosu: 9.479,73 KM.

---

<sup>1</sup> Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Maksimalan iznos priloga pravnih i fizičkih lica u 2006. godini može iznositi 4.688,00 KM

<sup>2</sup> Do 31.03. naredne godine političke partije podnose finansijski izvještaj u formi koju odobri Centralna izborna komisija BiH. Ovaj izvještaj sadrži podatke utvrđene Izbornim zakonom. Centralna izborna komisija Bosne i Hercegovine donosi propise za provođenje odredbi kojima se bliže utvrđuje sadržaj , forma , način i drugi detalji izvještavanja.

<sup>3</sup> Stranka je 25.02.2006.godine osnovala Fond „Stjepan Radić“ za stipendiranje posebno nadarenih studenata iz BiH. Početna sredstva za rad Fonda uplatila je stranka iz svojih sredstava u iznosu od 5000.00 KM dana 02.06.2006. Uplata navedenih sredstava evidentirana je uvidom u izvod broj 14.

<sup>4</sup> Zbir režijsko-administrativnih troškova na nivou stranke (Obrazac 4) iskazan je u iznosu od 101.224,39 KM, dok zbir istih troškova sa pojedinačnog obrasca 4-1 iznosi 86.224,39 KM. Razlika od 15.000,00 KM predstavlja taksu koju je stranka uplatila za učešće na izborima u 2006. godini.

- Obrazac 5. nije pravilno popunjen, na istom su prikazane neizmirene obaveze prema dobavljačima u iznosu od 7.200,00 KM. Uvidom u kartice konta Glavne knjige-dobavljači utvrđene su neizmirene obaveze prema istim na dan 31.12.2006.godine, u iznosu od 37.009,49 KM, koje nisu evidentirane na ovom obrascu. Takođe nije evidentirana ni kratkoročna pozajmica u iznosu od 22.000,00 KM.

Osim gore navedenog, stranka je finansirana u skladu sa Zakonom o finansiranju političkih partija.

### **Troškovi predizborne kampanje**

HSS BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 98.572,13 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>5</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, HSS BiH je mogla potrošiti 374.692,48 KM.

### **5.2. PREPORUKE :**

*Na osnovu uočenih nedostataka preporučuje se Hrvatskoj seljačkoj stranci BiH:*

- *da postupa u skladu sa odredbama člana 5. stav 1. i člana 11. stav 3. Zakona o finansiranju političkih stranaka.*

### **KOMENTAR:**

U ostavljenom roku, Hrvatska seljačka stranka BiH se nije očitovala na Preliminarni izvještaj o reviziji godišnjih finansijskih izvještaja za 2006. godinu.

Hasida Gušić, šef Službe za reviziju

Nevenko Andan, revizor

Anela Burdžović Kapić, pomoćnik revizora

---

<sup>5</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.